



N 21/3886
28/07/2022

3886-21-2-202207281457



ი/მ ნატა პაპუნაშვილს

მის: ქ. თელავი, გრ.ორბელიანის ქ., N 7

ელ.ფოსტა: vakhochapura@gmail.com

სსიპ გარემოს ეროვნულმა სააგენტომ განიხილა თქვენი №3032 სკრინინგის განცხადება, რომელიც ეხება ახმეტის მუნიციპალიტეტში, სოფ. ჩაჩხრიალაში სასარგებლო წიაღისეულის (ქვიშა-ხრეში) გადამამუშავებელი საწარმოს ექსპლუატაციის სკრინინგის განცხადებას.

გაცნობებთ, რომ სკრინინგის განცხადებაში დაზუსტებას საჭიროებს და მოცემული უნდა იყოს საქმიანობასთან დაკავშირებული შემდეგი საკითხები:

- სკრინინგის განცხადებაში წარმოდგენილია ურთიერთგამომრიცხავი ინფორმაცია, კერძოდ, შესავალში აღნიშნულია, რომ ი/მ ნატა პაპუნაშვილს ახმეტის რაიონში, სოფელი ჩაჩხრიალაში დამონტაჟებული აქვს ინერტული მასალების სამსხვრევ-დამახარისხებელი დანადგარი, ხოლო საწარმოს განთავსების ადგილმდებარეობის თავში აღნიშნულია, რომ საპროექტო ტერიტორიაზე განთავსდება სამსხვრევ-დამახარისხებელი დანადგარი. ამასთან, 2022 წლის 4 მარტს და 14 ივლისს, გარემოსდაცვითი ზედამხედველობის დეპარტამენტის მიერ განხორციელდა ობიექტის ინსპექტირება, რომლის შედეგებითაც დასტურდება, რომ სასარგებლო წიაღისეულის გადამამუშავებელი საწარმო და მისი შემადგენელი ობიექტები მოწყობილია. შესაბამისად, სკრინინგის განცხადება წარმოდგენილი უნდა იყოს ტერიტორიაზე არსებული ფაქტობრივი მდგომარეობის გათვალისწინებით;
- დოკუმენტის გენ-გეგმაზე დატანილია სამსხვრევ-დამახარისხებელი დანადგარის შემადგენელი ობიექტები, თუმცა, მითითებული არ არის მათი განთავსების GPS კოორდინატები;
- დოკუმენტში დაზუსტებას საჭიროებს ჩამდინარე წყალში არსებული დამაბინძურებელი ნივთიერებების კონცენტრაცია (სალექარის ეფექტურობა);

- სკრინინგის განცხადებაში წარმოდგენილი არ არის ინფორმაცია წყალაღების წერტილიდან სამსხვრევ-დამახარისხებელ დანადგარამდე წყლის მიწოდების ტექნიკური გადაწყვეტის შესახებ;
- სკრინინგის განცხადების თანახმად, საწარმოს ტერიტორიაზე წარმოქმნილი სანიაღვრე წყლები, ასევე ტექნოლოგიურ პროცესში გამოყენებული წყალი გაწმენდის შემდეგ ჩაშვებული იქნება არტეზიულ ჭაში. დაზუსტებას საჭიროებს ჩამდინარე წყლების მართვის საკითხი;

ყოველივე ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თამარ ფიცხელაური

თ. ფიცხელაური

სააგენტოს უფროსი

სსიპ გარემოს ეროვნული სააგენტო

